



TV Vali
Shkodran Zeqiri
Drejtor
Gjilan

Rasti Nr. 2018/184
Ref:1902/128/KPM/mf

VENDIM

Lidhur me Rastin Nr. 2018/184 – Komisioni i Pavarur i Mediave (KPM) për TV Vali (Palë Përgjegjëse)

Faktet

1. Komisioni i Pavarur i Mediave (KPM) me datën 28 maj 2013 ka nxjerrë Rregulloren për Mbrojtjen e Fëmijëve dhe të Miturve në Shërbimet Mediale Audiovizuale KPM 2013/01. Me këtë rregullore është përcaktuar mënyra e kategorizimit, sinjalizimit dhe zgjedhjes së kohës së transmetimit të programeve të cilat mund të ndikojnë negativisht në zhvillimin fizik, mental, emocional dhe moral të fëmijëve dhe të miturve.
2. KPM nga data 2 deri 4 gusht 2018 ka bërë monitorimin e programeve të Palës Përgjegjëse për të vlerësuar pajtueshmërinë me Rregulloren KPM 2013/01.
3. KPM, në bazë të Raportit të monitorimit të datës 28 shtator 2018, ka gjetur se Pala Përgjegjëse ka transmetuar filma artistik të cilët nuk i ka paralajmëruar në mënyrë akustike e vizuale dhe nuk i ka sinjalizuar me shenjën përkatëse të përcaktuar me Rregulloren KPM-2013/01.
4. KPM, pas të gjeturave nga Raporti i monitorimit, me datën 10 nëntor 2018 i ka dërguar Palës Përgjegjëse Njoftim për Shkelje me të cilin e ka njoftuar për shkeljet e bëra dhe i ka kërkuar të veprojë në pajtim me Rregulloren KPM-2013/01, në të kundërtën do t'i rekomandojë Komisionit të KPM-së të ndërmarrë masa ligjore ndaj Palës Përgjegjëse në pajtim me nenin 30 të Ligjit të KPM-së.
5. KPM ka bërë edhe një monitorim të dytë për të parë nëse pas Njoftimit për shkelje Pala Përgjegjëse ka ardhur në pajtueshmëri me Rregulloren KPM-2013/01. Monitorimi është bërë me datat 26, 29 nëntor dhe 1 dhjetor dhe në bazë të Raportit të monitorimit të datës 15 janar 2019 është gjetur se Pala Përgjegjëse ka transmetuar filmin “The Mask of Zorro”, të cilin nuk e ka paralajmëruar në mënyrë akustike e vizuale si dhe nuk e ka sinjalizuar me shenjën përkatëse të përcaktuar me Rregulloren KPM-2013/01.

Analiza Ligjore

6. Komisioni bazuar në të gjitha faktet dhe analizat e lartpërmendura konstaton se Pala Përgjegjëse është gjetur në shkelje të nenit 3, paragrafi 3 dhe nenit 7, paragrafi 1 dhe 2, të Rregullores KPM-2013/01.

Neni 3, paragrafi 3, i Rregullores KPM-2013/01, përcakton se:

“Shërbyesit medial audio-vizuel të cilat transmetojnë radio/TV programe me përmbajtje të dëmshme për fëmijët, obligohen që ato programe t’i paralajmërojnë me sinjal akustik apo tekstual dhe t’i identifikojnë me simbolin përkatës vizual gjatë tërë kohëzgjatjes së tyre, sipas kategorizimit të programeve të përcaktuara me këtë rregullore”.

Zyra Ekzekutive në bazë të Raporteve të monitorimit ka gjetur se Pala Përgjegjëse gjatë ditëve të monitoruara filmat e transmetuar: “8Mile“, “Ronin” dhe “The Mask of Zorro” nuk i ka paralajmëruar me sinjal akustik apo vizual.

7. Komisioni gjithashtu ka gjetur se Pala Përgjegjëse në filmat e transmetuar nuk i ka përdorë piktogramet e parapara me Rregulloren KPM-2013/01, duke bërë shkelje të nenit 7, paragrafi 1 dhe 2.

Neni 7, paragrafi 1, i Rregullores KPM-2013/01, përcakton se:

“Subjektet transmetuese do të përdorin piktogramet të paraqitura në Aneksin 1 të kësaj Rregulloreje.”

Neni 7, paragrafi 2, i Rregullores KPM-2013/01, përcakton se:

“Shenjat e vërejtjes për Kategoritë e përcaktuara me këtë nen janë të detyrueshme për të gjitha programet e përcaktuara në nenin 5.”

8. Komisioni ka gjetur se Pala Përgjegjëse edhe pas Njoftimit për shkelje të dërguar nga KPM në të cilin i është kërkuar që të veprojë në pajtueshmëri me Rregulloren KPM-2013/01 ka dështuar të veprojë në pajtim me Rregulloren KPM-2013/01.
9. Komisioni duke u bazuar në faktet e lartpërmendura ka gjetur se Pala Përgjegjëse ka bërë shkelje të nenit 3 paragrafi 3, dhe nenit 7 paragrafi 1 dhe 2, të Rregullores KPM-2013/01.

Vendim

1. Obligohet Pala Përgjegjëse që në afat prej dhjetë (10) ditësh, pas pranimit të këtij Vendimi, të bëjë kategorizimin e filmave dhe serialeve të cilat i transmeton, t’i paralajmërojë ato para fillimit me sinjal verbal dhe akustik dhe t’i identifikojë me simbolin përkatës vizual gjatë tërë kohëzgjatjes së tyre sipas kategorizimit të programeve të përcaktuara me Rregulloren KPM-2013/01;

2. Obligohet Pala Përgjegjëse që, duke u bazuar në nenin 3, paragrafi 5, të Rregullores KPM-2013/01, të nxjerrë Kodin Praktik në të cilin do të përcaktojnë standardet vetërregulluese për transmetimin e programeve që mund të kenë ndikim të dëmshëm tek fëmijët dhe të miturit, dhe këtë Kod të miratuar ta sjellë në KPM brenda tridhjetë (30) ditësh pas pranimit të këtij Vendimi;
3. Pala Përgjegjëse sanksionohet me Vërejtje, në pajtim me nenin 30, paragrafi 1 të Ligjit të KPM-së, për shkelje të nenit 6, paragrafi 3 dhe 4 dhe nenit 7, paragrafi 1 dhe 3, të Rregullores për Mbrojtjen e Fëmijëve dhe të Miturve në Shërbimet Mediale Audiovizuale KPM 2013/01.

E drejta për Ankesë

10. Ankesat i parashtrohen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
11. Bordi për Ankesa do t'i merr parasysh vetëm ankesat e bazuara në informacione ligjërish të relevante të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.



Muja FERATI
Kryetar



05.02.2019
Datë